



Univerzitet u Sarajevu
CENTAR ZA INTERDISCIPLINARNE STUDIJE

FAQ

Interdisciplinarni doktorski program Globalne studije

1. Da li obje preporuke trebaju biti akademske ili je moguće da jedna preporuka bude akademska, a druga profesionalna?
 - Mogu biti obje akademske preporuke, a može jedna akademska i druga profesionalna.

2. U elaboratu dokorskog studija sam pronašla/o informaciju da finansijska konstrukcija studija iznosi 18.000 BAM (6.000 BAM po godini). Da li se školarina može uplaćivati u 6 jednakih rata (3.000 BAM po semestru) na početku svakog semestra ili se mora uplatiti 6.000 KM na početku svake godine za tu akademsku godinu?
 - Školarina se može uplaćivati u 6 jednakih rata, a na bazi zahtjeva koji kandidat/kinja treba da podnese Vijeću dokorskog studija nakon objave rang liste te poziva kandidatima/kandidatkinjama da dostave dokumentaciju za upis. Po odobrenju zahtjeva, kandidat/kinja je dužan/na na početku svakog semestra uplatiti iznos od 3.000,00KM. Ukoliko je kandidat/kinja oslobođen/a 1/3 školarine prema članu 22, Pravila III ciklusa studija, ovo oslobađanje se donosi na dvije posljednje rate (ratu 5 i 6).

3. Obzirom da u elaboratu dokorskog studija stoji informacija da osobe koje imaju 360 ECTS, a završile su program po starom sistemu, imaju pravo na umanjenje cijene školarine, odnosno moraju platiti 2/3 ukupne cijene, da li osobe koje su završile studij po Bolonjskom procesu, a imaju 360 bodova (završili su dva master programa), ispunjavaju kriterije za plaćanje 2/3 ukupne cijene školarine?
 - Elaborat slijedi regulativu Pravila III ciklusa studija na UNSA, gdje je u članu 22. navedeno: «Kandidatima koji su stekli titulu magistra nauka/umjetnosti prije uvođenja bolonjskog sistema trocikličnog studiranja ili titulu akademskog specijaliste priznaje se 60 studijskih bodova, na način koji pobliže utvrđuje Vijeće studija, a preostali obim od 120 studijskih bodova ovi kandidati stječu u skladu sa ovim pravilima. Ovi kandidati plaćaju dvije trećine ukupne cijene studija.» Obzirom na navedeno, nažalost u Vašem slučaju ovo ne može biti primijenjeno, jer se ECTS krediti koje posjedujete iz dva master studija međusobno ne mogu zbrojiti. Kada bi to bilo moguće, osoba koja je završila dva bolonjska studija I ciklusa (180 x2), bi bila tretirana kao da ima 360 ECTS kredita i bila bi kandidat za doktorski studij, što ni u kojem slučaju nije moguće.

4. Vežano za proces izvođenja nastave, zanima me da li je proces u potpunosti prilagođen zaposlenim osobama? Da li se nastava izvodi vikendom ili radnim danima izvan radnog vremena?
- Da, nastava na I godini studija je prilagođena osobama koje su u radnom odnosu. Planirano je da se predmeti izvode po blok sistemu, gdje jedan blok obuhvata 12 sati nastave (četvrtak (17-21h); petak (17-21h); subota (9-14h)). Mogući su izuzeci u slučaju da jedan od blokova drži gostujući nastavnik sa prestižnih međunarodnih univerziteta. U tom slučaju ćemo biti primorani da raspored prilagodimo obavezama te osobe. Ipak, ukoliko se ovakav izuzetak i dogodi, radit će se o jednom do dva radna dana tokom godine, i isključivo u I godini studija, obzirom da u II i III godini nisu predviđena predavanja. Naime, u II i III godini studija, kandidat/kinja radi uz striktan nadzor mentora/ice, te se sastanci dogovaraju u terminima koje mentor/ica i kandidat/kinja zajednički odrede.
5. Stekao/la sam titulu magistra nauka prije uvođenja bolonjskog sistema studiranja (moj dodiplomski studij je trajao 4 godine i postdiplomski dvije godine), te imam 360 ECTS kredita (240+120). Da li se na mene odnosi pravilo o umanjenju školarine za 1/3?
- Da, ispunjavate uvjete za plaćanje umanjenjog iznosa školarine, te u Vašem slučaju školarina iznosi 12.000,00 KM (prema članu 22, Pravila III ciklusa studija na UNSA). To se odnosi na oslobađanje od polaganja 2 (20ECTS) izborna predmeta. Ovakva odluka se donosi na bazi zahtjeva koji kandidat/kinja treba da podnese Vijeću doktorskog studija nakon objave rang liste te poziva kandidatima/kandidatkinjama da dostave dokumentaciju za upis.